



Uunga siunnersuut: Siusinaartumik pensionisiat pillugit Inatsisartit inatsisaata allanngortinneqarnera pillugu Inatsisartut inatsisaat nr. Xx, xx, xxx 2020-imeersoq. (Qulaajaaneerit , piginnaangorsaqqiinerit, najukkani pissutsit pissutigalugit tapiissuteqartitsigallarnerit aamma iusinaartumik pensionisiaqarnermut maalaaruteqartarfimmuut maalaaruteqarsinnaaneq pillugu erseqqissaaneq)

(Isumaginninnermut, Ilaqutariinnut Inatsisinillu Atuutsitsinnermut Naalakkersuisoq)

(Siullermeerlugu isummerfigineqarnera)

Demokraatit iluarisimaarpaat, Naalakkersuisut eqqummaariffigimmassuk, siusinaartumik pensionisianut inatsimmi, eungasoqarnera. Pingaartutut isigaarput, eqqummaariffigineqartuaannarmat inatsisit atuuttut tulluussarnissaat, ineriartornermut malinnaatillugit.

Taamaattumik piffissaq eqqorlugu peqqissaartumik takutitsineruvoq, Naalakkersuit siusinaartumik pensionisiat pillugit inatsisip nalilersuinerat aammalu Naalakkersuisut kissaateqarnerat nalilersuinerup taassuma iliuseqarfiginissaa. Demokraatit tungaanniit Naalakkersuisut partiillu allat suleqatiginissaannut qilanaarpugut inatsisit allannguutaasa suliarinissaanut piviusunngortinnissaanullu.

Taamaattorli aamma iluarisimaarparput, Naalakkersuisut maannangaaq inatsimmut allannguutissanik ataasiakkaanik peqareemat. Nuannaarutigaarput, allannguutit tamarmik innuttaasunut iluaqutaassammata.

Pingaartumik erseqqissassavara, siunnersuutip uuma periarfissat nukittorsassammagit, siusinaartumik pensiuinillit sulisinnaassutsiminnik atorluaasinnaanerannik, namminerisaminnik isertitaqarlutik suliaqarani pilersorneqaannarnermit. Tamanna siusinaarluni pensionisialimmut inuiaqatigiinnullu pitsaasuvoq. Isumaqarpugut, sapinnikkaanni, sulineq peqqinnartuusoq. Taamaattumillu aamma pingaartuuvoq, siusinaartumik pensionisiallit sapinngisartik malillugu pilliuteqaqataanissaminnut periarfissinneqarnissaat.

Tassungali ilutigalugu erseqqissassavara, Demokraatinut pingaartuummat, siusinaartumik pensionisiallit sulisinnaangitsut ataqqineqarnissaat. Siusinaartumik pensioninik tunineqarsimaneq, pissuteqarpoq, iluaqutaanngilarlu, uagut inuiaqatigiinniit siusinaartumik pensionisiallit, sulisinnaannginnerat pillugu, ilerasutsissallugit. Taamaattumik pingaartuuvoq, piginnaangorsaqqiinnerit- aamma qulaajaanerit ataqqinnilluni aammalu siusinaartumik pensionisiallit qanimut suleqatigilluinnarlugit ingerlanneqartarnissaat.

Taamatut oqaaseqarluta siunnersuut Ilaqutariinnermut Peqqissutsimullu ataatsimiititaliamut suliarisassanngorlugu ingerlateqqipparput.